

東廣
瓊
州
府
瓊
山
縣
志



瓊山縣志卷之二

輿地志三 氣候 風候潮候占歷附

居炎方多熱少寒秋冬雷水土無他惡方輿志

瓊與中州絕異素無霜雪冬不凍寒草木不凋四

時花果水土無他惡惟黎嶗中有瘴氣鄉人入

其地即成寒熱李西美廣南攝生方論云嶺南

瀕海地沈燠陽之氣常泄陰濕之氣常盛陽氣

泄故四時常花三冬無雪一歲之間蒸熱過半

一日之內氣候屢變晝則多燠夜則多寒天晴

則燠陰雨則寒此寒熱瘴癘所繇作也然瓊內

以垣下蓄嵐蒸外以海洩其菴氣氣候較他郡

其山泉
卷二
頗善大抵其燠以炎蒸其寒以風雨其生常早
其肅常遲天以陽施地以溫感是謂炎蒸其常
也故曰四時皆是夏風噓而噏雖夏亦寒其暫
也故曰一雨便成秋其生常早如正月桃花二
月螻蛄鳴蚯蚓出王瓜生苦菜秀之類然生而
不力氣常宣泄也其肅常遲如九月禾乃登十
月水始涸蟄蟲坏戶草木黃落之類然肅而不
嚴氣不收斂也

舊志

志曰南方地氣暑燠一歲田三熟冬種春熟春

種夏熟秋種冬熟今惟瓊郡則然

徐堅初學記

按一歲三熟乃外國禾種使然

黃通志自宋播占城禾種今有

三熟亦不盡關暑熱然今瓊山低田以冬種夏收
爲小熟夏種秋收爲大熟一歲二收高田則有
大熟無小熟一歲一收并無一歲三熟者

由羊城而高雷冬可以不裘一變也又高雷而瓊
臺冬可以衣葛可以搖扇又一變矣惟其地在
炎方土卑而薄霜雪之嚴遠不能加故一歲之
間暑熱過半而五月爲甚諺云熱不過芒種夏
至寒莫若小寒大寒此氣候之所以與中土異

也

參萬州志

嶺南之地愆陽所積暑溼所居風雨燠寒罕應其
候故蒸變而爲瘴癘瘴有四候青草黃梅瘴於

春夏新木黃茅瘴於秋冬而深山窮谷之中檳榔花開其瘴尤酷行者觸之卽生疾病故唐宋時以儋崖諸州爲仕宦畏途然此亦惟地近黎峯民居寥落之區則然耳今則生齒浩繁險隘盡闢微但近郡地氣稍舒諸瘴未有卽西黎林灣等圖向之稱爲瘴鄉者亦漸歸於清淑矣

通志

按海南瘴氣以五六月爲甚此雖山澤爲之亦氣候之過也郝志以木樨開時爲香花瘴謂其氣尤酷毒易中人信然然木樨秋後方開瘴已稍舒且此木本地絕少不如檳榔彌山徧嶺花

開又當炎夏之時其毒爲更劇也

風候

戶城皆東風秋夏颯風

舊志○按周歲八風俱有但東風多耳

投荒雜錄云南方諸郡皆有颯風颯風者具四方

之風也按瓊夏秋間颯風或一歲累發或累歲

一發或起東北而轉西或起西北而轉東皆必

對時回南大作而後息將起之前海鳥預夜羣

驚飛投黎山樹葉皆向南作翻轉之狀或海吼

聲大震或天脚有暈如半虹俗呼破蓬卽嶺表

錄所謂颯母或踰時大作暴雨挾之撼聲如雷

拔木飛瓦居民皆矮屋避之人不能行立牛馬

不敢出牧或風雨中有火飛騰回南又最大傷

損萬物東坡有颶風賦見藝文舊志

南越志云熙安間多颶風颶風者具四方之風也

一曰懼風言怖懼也常以六七月興未至時三

日鷄犬為之不鳴大者或至七日小者二三日

外國以為黑風太平御覽○按瓊地颶風將發鷄犬鳴之如常似不可以此繁

論

又云四時風候乖異風之暴者謂之颶風又有

石尤風觸人皆感逆氣成病證行見雲脚疏謂

之颶風路舟人徙舟避之又夏月暴風雨東北

風起揚沙走石曰青凍此皆風之異者也其常

則南風爲多季冬先春而至曰送年南北風特
發曰北暴諺云朝下二晚下七夜半下風無過
日又曰朝北晚南半夜東以時占也潮長風起
潮平風止以水占也上全

南海秋夏間雲初慘然有暈如虹長六七尺則颶
風必發故呼爲颶母見忽有震雷則颶風不作
矣舟人常以爲候預爲避之嶺表錄異

歲中有一鬼打節則有一颶有二鬼打節則有二
颶鬼鬼宿也打節者或立春立夏等節值鬼宿

也粵中見聞

附論按颶有數種而並由於海氣瓊四面皆海故

於粵之諸郡為尤甚其將發也先期一二日

雲氣漫空而疾飛

本楊慎外集

而海吼水腥亦其

徵也及其發也沿岸數十村海水吞田而遠

溢而垣頽屋塌則其甚也其發至累日者則

謂之風颳颳而淹颳散而剽渾而一之謂

颳即颳者非也

季麟光颳音歧颳與颳為二音皆俱

風皆謂之風颳○其發自他方者則謂之風

韻書無颳字候考 尾尾高而柔颳低而暴比而同之謂尾即颳

者亦非也蓋颳無大小其發也必於所在之

處橫衝直決號怒異常又每日時之午未達

於次日五鼓而止六七月為時而有為時而

無八九月秋分有則寒露霜降並有秋分無

則寒露霜降俱無故諺有一翁一婆一媒人

之說土人每以鵲巢所在之枝上下占之鵲

能知風十常九應

淮南子亦云烏鵲識歲之多風去喬木而巢其枝

然颶必夾雨偶有無雨而颶者則呼為乾風

颶必不雷故俗曰有雷不成颶然亦有雷鳴

而颶者則呼為鐵颶

三水范氏云颶風作益以暴雨其勢彌烈謂之

鐵颶而郡志採訪以有雷而颶者為鐵今從郡志

乾風雖最害稼未

甚破廬鐵颶銳不可當物無不損此皆瓊南

風候之反常者也此外又有暴風若龍興而

致者土人謂之鼓龍風起則塵埃徧野林葉

飛空其勢更雄於颶然倏然而起亦倏然而
止船人忌之陸居者無患至若石郵勢逆青
凍氣寒此等風隨處有之不獨瓊土為然故
不具論六書故颶補妹切海之災風也右偏
旁似應从貝為正李西涯譏許氏从
貝謂具四方之風乃北人不知南人之候誤
以貝為具耳然今書多作貝相沿已久當仍
之

潮汐

朝曰潮汐曰汐抱樸子日月之精生水是以月盛
則海潮大圖經曰潮汐往來為天地至信瓊州
潮候與江浙欽廉之潮不同其地勢異也郡與
徐聞對境兩岸相夾故潮長則西流消則東流

日則消長常也八月九月其勢獨大每日兩有
消長者其變也故舊潮漸減漸小謂之老潮新
潮漸退漸大謂之穉潮十一月朔或時不測而
長謂之偷潮其大小之候隨長短星不係月之

盛衰

舊志
下全

瓊海東南諸港朔望前後潮大上下弦前後潮小
二至前後潮大二分前後潮小夏至潮大於晝
冬至潮大於夜又云晴則望南而吼陰則望北
而吼人以爲陰精驗之果然又云廣潮候與閩
越相去亦少差而瓊崖儋萬之候大小俱各差
殊其半月東流半月西流則同不係月大小之

盛衰上全

余襄公謂陽燧取火於日陰鑑取水於月從其類也故月之所臨則水往從之月臨卯酉則水漲乎東西月臨子午則潮平乎南北朔望前後月行差一故潮勢大月弦之際月行差遲故潮之去來亦合沓不盡又自謂嘗候潮於東南南海見月臨卯東海潮平而南海未長月臨午南海潮平而東海已消皆不同時天台史氏伯璿則以為謂潮水與月相應則可謂水往從月則不可蓋謂水與月皆物也而無相從之理此於襄公說中或有意外之見云上全

郡守賈棠云舊說謂海潮與月相應月爲太陰氣
感相從說月上潮亦上余常察之亦有不盡然
者且朝潮夕汐晝夜兩至月上潮亦上是矣乃
月落而汐又至不知於應月之義何居論者又
以爲天地呼吸之氣然天文家推日月薄蝕五
星遲留退逆皆有常度不爽毫末獨於潮汐迄
無定論蓋未可以臆測矣余觀潮汐之生必自
東來而說者又以爲潮生於北北方坎位天一
之氣潮所從生然以宇內形勢論之北自遼陽
南抵於粵歷五省而遠萬里雖潮汐奔騰迅駛
亦必由近及遠南北各省自有先後次第安能

同時並至不移晷刻乎考宇內輿圖遼陽直隸
山東江南浙江福建諸省皆東臨大海而潮汐
之至無先後之殊其爲東來無疑獨瓊郡之潮
云隨長短星不與月應又云潮長西流潮落東
流又云雷瓊兩岸東西異流南岸水流東而長
則北岸水流西而消北岸水流東而長則南岸
水流西而消同在一海不應兩岸異流以余觀
之皆地勢使然也考大地自北而南至粵省則
南地已盡粵自潮郡迄瓊西行五千餘里皆南
面臨海潮汐東來越五千里而西雖使飛兔行
天亦需一二時始至豈得與東南諸省較時刻

乎則瓊潮之不與月應宜矣觀瓊郡潮長四流
潮落東流益信自東而來返東而去耳舊志載
余襄公謂常候潮於東南海月臨卯東海潮平
而南海未長月臨午南海潮平而東海已消信
此說也則瓊潮之消長皆後於東海矣豈非因
遠而遲之故乎若與欽廉之潮不同以欽廉又
處瓊郡之西愈遠而愈遲矣至於兩岸異流蓋
由兩岸相夾使然夫瓊雷二郡對峙瓊居海南
雷在海北兩岸相去百里而遙以大海潮汐去
來之勢浩瀚無涯陡直隘地東之水勢驟急急
水之傍必有迴流流於南岸必迴旋於北流於

北岸必迴旋於南試向溪流驗之莫不皆然而獨以瓊潮為異者蓋小水易見而大海之勢難察也其云半月東流半月西流者或者各就南北岸視之耳若夫朔望前後潮大上下弦前後潮小與八九月潮勢獨大考之他省亦然乃潮沒之常性非地勢所得變者然則人又何必獨異瓊潮乎上全

寰宇記云瓊海之潮半月東流半月西流外紀云海水止有消長殊無東西流蓋因地形西北高而東南下瓊雷兩岸相夾見於長上則以為西流消下則以為東流耳

參萬州志

瓊州潮每月不潮不汐二三日冬不潮不汐三四
日八九月潮勢獨大夏至大於晝冬至大於夜
二十五六潮長至朔而盛初三大盛後漸減十
一二又長至望而盛十八大盛後又漸減潮汐
消長天下皆同流惟瓊海兩岸東西異流每南
岸水流東而長則北岸水流西而消北岸水流
東而長則南岸水流西而消同此一海兩岸異
流彼逆此順然東流日僅二十四刻西流則計
時有九又或數日不流蓋伏流也天妃廟碑言
十六七八九四日伏流可渡至中流始有怒濤
乃東西合流處所謂中洋合巢浪也過此可

勿戒心遇風順則半日可渡

本三水范氏○合巢
浪今俗謂之分水洋

王桐鄉佐云海南潮候無所依准但准授時厯長

短星爲定候而二星之說載籍無考本出於後

世方伎家陰陽拘忌之書而授時厯取之世俗

禁忌以爲參差不齊之星偶與瓊潮湊合蓋二

星每月內推移無定而潮水消長從之自合朔

厯上弦前後爲長星潮自望厯下弦前後爲短

星潮逼星前後則潮長大至極漸過遠而潮漸

減小至盡而將盡老潮亦常與方來稚潮相接

逐日輪轉如環無端其春夏二季則星未至前

三日新稚潮初生逐日長大至星日而極過後

二三日則漸退雖日有消長而水痕遞減一分
減極以至後星將近則潮水不消不長此卽襄
公所謂潮之去來合沓不盡者此是新稚潮初
來與舊老潮相逼而然及乎前星老潮退盡而
後星新潮復來長消同前秋冬二季又與春夏
不同星過後三日新潮方生又逐日長大以至
大極而止以後消長亦同前但春夏潮長在長
短星前秋冬潮長在長短星後二星所臨前後
卽爲潮大之期不拘朔望與上下弦也長則西
流消則東流日有消長又不拘於半月也八九
月內各有兩長短星謂之雙星此兩月潮水獨

大九月尤甚又不甚退似乎每日有兩潮此二

星之說適合海南潮候者也

節錄王佐候潮前後論

附論按海潮應月諸家所見皆同不獨余忠襄之

說為然也惟瓊海之潮寰宇記則謂其隨長

短星不與月應楊升菴以為不可曉夫月者

水之精也潮者月之氣也精之所至氣亦至

焉則其與月應宜也星為日月之淫氣而長

短星又不在三垣十二次之列潮之來去乃

謂其隨乎星可乎且隨一不見經傳之星可

乎然而候潮前後二論言之不足而長言之

先哲非好為立異必舉其說而盡抹之持論

反不得其平且瓊潮既與廣潮不同廣潮交
與浙潮有異豈能執西江之流以概南海執
南海之流以概海外哉應月之說候潮者固
不能易而與之深者勢亦極則更旁參以二
星之推移是或一道也夫迹必求其已然忠
襄所言者迹也而桐鄉之論亦未始非迹也
今將以爲潮隨月生而消長有時既不夾夫
盈虧之節卽以爲星與潮合而宿離不貸亦
足徵夫起伏之常說不廢乎隨星而旨仍歸
於應月於諸家異同之論庶乎一以貫之而
可以並存也夫

瓊之海口橫渡至雷之海安計程約八十里海口

流水較海安早半個時辰

俛刊良流水指掌圖說○圖與今之流水

起伏日時久不相符故不載

瓊海分東西二溜凡渡海必候流水東海鳴則風

西海鳴則雨土人每占之以候渡又瓊海半月

潮長則西流海南易渡半月潮回則東流海北

易渡

粵東筆記

以歲之十月自朔至十有二日候潮朔日潮盛則

明年正月必有大水餘日以次推之皆然

通志

占厯

正月元日喜晴

俗語冬溼年乾農民加餐

二月二朝雷禁

不致工作

以祈豐年三月三日天蠶損秧四月八日乾蟲盛禾傷

端陽以雨測田不雨傷高田旱雨傷低田惟宜晚雨芒種以星候

種種蒔值猪尾犁尾星出則秧黃死五六西風旱禾正宜七七

夜雨禾穗卷耳登場以雨暘知歲祭竈以雞骨

占年冬至忌晴喜雨冬乾年溼農民不給歲除占暗觀明

天色明宜白芒禾天色昏宜黑芒禾他如虹霓占旱颶母占風海

焚占荒霜冷占麥五色雀占旱澇益智實占災

祥應驗不爽舊志

立春日微雨兆有年諺曰乾冬溼年禾黍滿田各

府皆然惟瓊州相反曰冬溼年乾禾米滿倉冬

乾年溼禾米少粒通志占歲

立秋日雷鳴節前忌節後宜諺曰雷跨秋有作無

收秋跨雷禾米成堆

瓊州以海水占年諺曰海水莫熱禾穀將結海水

其涼禾穀登場

郝通志下全

春正月李桃花盛桑桑可採二麥黃老圃種薑剪

韭田功既興

二月雷發聲虹蜺見魚苗生蜺降於霧木棉橘柚

華是月也農功畢作

三月溫風至梅子熟檳榔包拆催耕鳴田蛙鼓吹

夏四月榴火明榕成陰紫菱照水樹蘭綴珠白雨

以時至 俗曰半晴半雨早禾天

五月朱荔熟椰含漿蟬大噪鉤割鳴年早穀登場

早禾自播種始計百
日可割俗名拋稗望

六月白雨足西潦颶母乘潮芭蕉垂荔奴早熟龍眼

曰荔奴早花者以
六月六日可食是月也新穀既升亟播晚種

俗曰
翻藁

秋七月秧針碧荔田浮蝴蝶營繭是月也暑始酷

爍石流金

八月木芙蓉華梨栗熟芋可剝粘始穫河鮑乘潮

至

九月木樨瘴發紅蓓登白欖落嘉魚出於峽大粘

始穫菊有黃華

冬十月嶺梅開八蠶功畢橘柚垂實湖田盡登是月也霜始下氣乃寒

十一月桃始華冬筍茁茵楓漸丹鷓鴣蔽葉山花時茂畬田布種是月也農歛穀屯困涸塘以漁

十二月水仙來賓梅乃大放風蘭賀春春陽漸暢

草木萌動

以上俱
郝通志

輿地志四

疆域
節序

形勝

風俗

方言

居處

瓊山附郭首邑東西廣一百五十里南北袤九十

里

舊志
下同

東至文昌縣界一百里

西至澄邁縣界五十里

南至定安縣界八十里

北至海岸一十里

東南至文昌縣界一百里

西北至海岸五十里

西南至黎界二百二十里

東北至文昌縣界五十里

形勝

邑治附郭土壤平衍山無險峻清流拱其前洋海
 繞其後馬鞍踞於右七星擁於左文筆三峯聳
 翠秀拔誠海邦一名區而州縣之望也明太祖
 稱爲奇甸豈虛語哉 按堪輿家言全瓊地脈
 來自交趾交趾與崖州相距不過百餘里海中
 巨石嶄巖橫入崖州至於五指聳拔如小崑崙
 又蜿蜒至瓊山而盤結秀甲一郡朱紫陽嘗謂
 冀州天下間一佳風水茲瓊山又是瓊郡中一
 佳風水今以形勢揆之良然

舊志

風俗

地居海島習俗樸茂由唐迄宋人文蔚起至明爲
尤盛人嫻禮義之教士多鄒魯之風冬有青苳
田疇二熟婦工織繡蠶登八綿蕓芋多代菽麥
麴葉少佐酒醪地無虎狼野皆藤竹山行水宿
不擇處所亦宇內另一風土也。說者謂瓊自
東坡授學姜唐佐人始知學然按進士題名記
瓊在古荒服之表歷漢及唐至元宗朝文化始
洽宋祖車書混一人始知爲士慶歷間宋守之
知瓊州教諸生講五經於先聖廟建尊儒亭服
日躬自講授人始知向學是則東坡未來之先
已敦士習也。東坡作伏波廟記在宋中葉時

文物斑斑已有足稱至明洪武間姚江趙謙來

典教事一時士類翕然從之文風愈振 鄭廷

鵠志稿俗醇民樸士專詩書人守法度勤農桑

重遷徙女工紡織尤精刺紋原野不習火葬之

事老死不識刑名之書故邑多老人 瓊山平

原曠野水土頗善與廣肇不大殊然地勢卑溼

物易朽蠹粟無二年之儲糧少隔宿之春地近

水人多聰敏執筆為文衝口而出皆有可觀上

纂舊志

蘇文忠云自漢末至五代中原避亂者多家於此

邱文莊云魏晉以後中原多故衣冠之族或宦

或商或遷或戍紛紛日來聚廬此處黃文裕云
郡城縣城營居多戎籍自宋元順化皆漢土遺
裔洪武以來軍士初撥則多蘇浙之人續撥則
多河之南北再調則又閩潮之產厥後中原各
處官吏充配者接踵而至故士族多出中州俱見

郡志

俗重檳榔親朋往來非檳榔不爲禮至婚禮媒妁
通問之後盛以大盒送至女家女家受之卽爲
定禮凡女子受聘者謂之喫某氏檳榔 郡城
海口非大家世族悉不親迎鄉村間仍以親迎
爲重 習尙重門第謹結納下戶奉巨室咸以

官呼之有新起家者故族猶耻與援 舊日冠

不三加婚多越度喪用浮屠祭用俗節及進士

吳錡尚文公家禮邱文莊著為儀節士俗化之

吉凶弔賀往來郡城尤多近古 今俗喪事 猶用浮屠 地

高田少處則種野禾或薯蕷粟豆兼粒食食之東

坡云海南薯菜為糧幾米之十六 安土重離

旅遊者不三兩輒作旋歸之計 民務農工

少事高賈女專紡績少事蠶桑所貨各物如檳

榔鉛糖米粟油蠟以及吉貝 按吉當作古見 彭乘墨客揮犀 櫛

木沈香簞蓑等雜物均不出於本土然皆不其

抵價值故產計萬金者城落無數家 郡城婦

女出入用柔薄草笠縮縛以蔽其面鄉村婦女
出入用細滑竹笠裝戴以蓋其頭至若遠鄉婦
女自昔好爲椎髻今妝飾頗與郡城無異 城
中商賈輳集易於生息致富然故家子弟安分
者但坐耗其資不復知有生活計其奢蕩者則
又狹邪酗酒聚黨呼盧故少有再承世者 偏
僻鄉落無他生意專事田園地或墮墾如調塘
符離濱順等處卽自形其窘然勤勞儉約雖無
甚餘積而一產一業尙可延及子孫但勤儉則
鄙吝易生石地尤甚

以上俱參
黃通志

方言

瓊人語有數種有官語卽中州正音縉紳士夫及

居城廂者類言之鄉落莫曉 有東語略似閩

音 有西江黎語似廣西梧州等處土音 又

崖州有邁語與廣州相似要皆商賈遺裔也故

謂之客語 又有土軍語地黎語乃本地土音

大率音語以郡城爲近正

舊志

繞郭人家所言者俗謂之客語東北一帶都圖語

音與郡城同西南一帶都圖居石地者盡言黎

語其不居石地者黎音十之四客音十之六客

音止一派黎音分多種非習聽者少有能解

新

居處

瓊地枕山席海多海溢颶風之虞故公私室廬不
爲高敞然規制與內地畧同 近海者與蠻人
雜處常苦水泊風飄附黎者與黎人雜居不免

巢居尚處

舊志

山農耕種於野構茅守之其名曰茅

音察參廣東筆記

民居一室兩房棟柱四行柱之大者圓徑尺中兩
行嵌以板旁兩行甃以石俱係碎石用泥甃成
富者加以灰塼其木以石梓波羅蜜爲上胭脂
海梅次之若杉木則來自潮州黃桫則來自外
國皆木之入格而可購採者

昌江筆畧增

節序

立春前一日府縣官至東郊迎春館街坊各扮雜劇會聚俟祭勾芒神畢前導土牛自河口過南橋從西門入府人爭撒豆穀謂可消痘疹親鄰以春餅相饋遺自元旦至四日各相拜賀初三日書帖釘赤口謂之禁口六日後坊間村落行儺禮設醮迎神懸符逐疫立天燈作鞦韆每夜張燈或爲鰲山諸燈名稱不一每夜羣遊放煙火環街出謎燈用糯米製丸謂之元宵以貽親鄰元夕鄉落二三十里者咸入城聚觀郭門弛禁各處會首集眾作上元道場建旛結綵爲鰲

山祝

聖壽祈年豐親朋具香花佐供奉列金銀綵緞爲賀以
豐者爲榮二三月掃墓添土剪除荆棘謂之撥
墓清明家家折柳於各門戶神堂插之四月八
日浮屠氏以五香和蜜水浴釋迦太子佛謂之
龍華會以浴佛水分送檀越鄉落以木刻龍祀
本境廟中競唱龍歌拋鷄入溪水洗之謂之洗
龍加以繪飾端陽節自五月一日至四日各迎
木境之龍於會首家唱飲先密作歌賦以帕結
之懸龍座前獨露韻脚一字俛會中人度韻湊
歌得中歌句者按字多少以錢扇如數酬之至
五日各村之龍咸會大溪競渡奪標兩岸男婦

聚觀郡城於南湖及海口港內彩扮龍舟或結
綵船沿河唱飲親朋以角黍相饋遺孩童小女
各繫香囊綵縷纏臂塗雄黃飲菖蒲酒折艾懸
門採草花相鬪較勝負取菖蒲及百卉有香氣
者浸水沐浴士伍跨馬挾弓矢會教場插柳枝
較馳射名曰剪柳城中人縛竹爲船用五色縑
糊飾鳴鈺鼓沿街作競渡狀名曰旱船兒童鬪
蟋蟀十一日扮雜戲迎關帝君會十三日畢集
廟中賽愿祈保者各帶枷鎖有執刀竚立王像
前三日者謂之站刀甚有剪肉焚香腰臂各刺
箭刀者六月六日祀竈晒衣祛蠹七月七夕乞

用綵色緋糊製冠履衣裙備牲醴祀祖先謂
之燒冥衣富家齋醮焚緋衣以賑孤魂十五日
城落寺廟作盂蘭會八月望翫月製麵爲團圓
餅蒸天南星去皮食之小兒引蜻蜓爲戲九日
士民攜酒登高或咏賦兒童作大小緋爲鬪勝
又截木相擊爲勝及旋圓木引繩相賽名曰得
樂間用竹尙爲之名響囉冬至交相賀臘月二
十四日取竹枝掃屋塵換爐灰是夕祀竈宜竈
經送竈君朝帝除夕設酒殺祀祖又謂辭歲子
婦輩盛列酒饌供父母圍爐夜各燃燈門外焚
辟瘟丹放爆竹一鼓復設酒果迎竈君將掃塵竹

篠及做帚塵土盛以舊籬內燃燈列饌送之郊

外謂之送窮家人燃燈共坐不寐夜分挂楮幣

貼門聯易門神桃符節序所尚類如此舊志

元宵蒲城婦女盡到總鎮衙前旋取楮葉謂之偷

青或燃香城門祝之以祈有子孩兒則摩總鎮

衙前兩旁石獅以祈平安好事者懸謎燈於門

首遊人聚觀測中者酬以筆墨烟草 正月下

浣鄉民競擡本境之神以與鄰村所祀者相會

因而判羊擊豕聚會飲酒唱演土戲謂之裝軍

其聚飲也即素不謀面之人亦喜延之八會

五月念七日六月十一日迎府縣城隍神兒童

則荷紙頂械厮役輩則裝爲叫化子笠上採戴
各色草木之花以別之 中秋有月解戲文者
使童男瞑目立於月下持咒誦之須臾如醉如
癡而步履往來能隨其所唱之聲而各肖其人
以出謂之闕月又謂之瞽目戲但聲不宜寂一
寂則張目而醒 冬至釀黑芒稻米爲酒藏之
踰年而後用謂之老酒村農掘薑於城市貨之
謂之冬至薑

新
增

瓊山縣志卷之二終

...

...

...

...

...

...

...

...

...

瓊山縣志卷之三

輿地志五 山類 附巖 嶺

抱珥山在城內道署西高二丈餘阮通志

龍文山在府署後高三丈餘明知府林有祿培築

同上

三台峯在府學宮後脈自抱珥龍文聯絡排列如

三台然郡志

瓊山在縣南六十里白石都土石白如玉而潤縣

因以名種蘋其上特美所產欖榔尤佳下有瓊

山白石二村舊志增下俱舊志

雁塔三元峯在縣南一里平崗一峯尖秀如筆水

環其下朝拱兩庠以宋姜唐佐始登第得名元至正申守帥築雁塔亭於上聯左兩峯為三萬歷九年副使唐可封移郡辛三元碑豎於中峯為雁塔三元

蒼屹山在縣南二里許洗心橋南石峯屹立傍有石壁刻云盤龍屈曲自何方起伏回翔幾里長初無方長二字後人續成句子其陰有仙人洞

又名紫霞洞 舊志增

靈山舊名黑山在縣東南十五里英岳都俗名聖

山喬木陰翳自北渡海中洋望之即見及抵其

地則不甚突兀上有靈山祠所祀之神有六曰

靈山曰香山曰瓊崖曰通濟曰定邊曰班帥禱
雨多應以三月初九日爲祭期其官市曰靈山

市舊志增

陶公山在縣東南五十里原名扶山左有五嶺一

曰從衡二曰思尚三曰光螺四曰居礫五曰居

林遞相擁護昔有陶公得道於此故又名陶公

山道書第二十福地有陶公墓山下有

潭合外三十六曲水達大江其四有蒼巡洞

中有二井舊志增

瓊崖神嶺在縣南二十里志潭都平地起峯高十

餘丈卽古珠崖郡城址中有神廟

西石山嶺在縣西四十里上石山都高三十餘丈

一名馬鞍嶺為邑主山上有井與海通泉出清

且有洞可容數百人丹爐在挺峯之

下鄉人以為祭神祈雨之所或有空亭出現西

台一里有處蓮崗龍廊崗舊志增

東石山嶺在縣南七十里博埋都一名美丙嶺四

畔平原中突一峯狀若交椅石上有巨人跡舊

傳仙遊於此前置巡檢司今廢按山在舊州

一名舊州嶺高與西石山嶺埒

潭龍嶺在城東北二十里坐之可望黎母諸山其

下有泉分兩臂並趨西南一泉中湧名曰卓錫

泉景泰禪師古蹟

景泰禪師米僧和
跡也。舊志增

虎村嶺在縣西南五十里雷虎都高二十丈許一

名波秋嶺一名雷虎山亦名虎蹲嶺其勢自西

石山蜿蜒而來至是挺起狀若虎踞山下有溪

流為西南湖其南有鴉卜崗

舊志增

永茂嶺在城西南五十里遵都圖高十餘丈嶺上

一片平陽有小墩六週環盤繞人以為上應六

奇星康熙年間鄉里置一神廟有一石由小而

大幾滿廟中號石母乾隆元年間又建一文昌

閣西南有一崗即鴉卜崗

採

赤嶺上弦阿在桂林都黃天疆遊息處景致頗幽

每端陽重九少長遊集元林無我有詩題咏舊志

順村嶺在縣東三十里演順都平陂起峯四望森

鬱元僧無我建塔於上其右為龍盧洞舊志增

了髻嶺在縣東八十里獨坡都高二十餘丈形如

了髻舊志又縣東南百餘里一嶺形亦如之別

名了髻採訪

石鼓嶺在縣西南一百六十里西黎都郎南岐嶺

也高二十餘丈中有大石盤圍十丈許扣之聲

如鼓舊志

盤塔嶺在縣南一百七十里西黎都南岐嶺南上

有十三峯下有溫泉舊傳有僧涅槃菴塔於上

因名

龍堆嶺在縣東南八十里那社都又名那社山山

下有石初甚小歲久漸大鄉人結茅祠祀以為

神至今高五尺許祈禱輒應

同上

赤石崗在城西南五十里文盛都在多赤色而輕

既通

志

雲路山在城西南六十里高十餘丈中有三潭上

一潭林木陰森人不敢近其次二潭生小石如

橄欖有竅可穿俗名橄欖珠歲旱禱雨多應

既通

白廟墩在城西北三十五里高二十餘丈瀕海岸

上疊起數墩每墩相距十餘里而此居中巍然
特出形類尖帽沙白如雪夜間有光自徐車輪
浦望之可見渡海者以此為指南土人誤傳其
或隱或現而謂之神墩訂正 採訪

三嶺在城東北三十里形如貫珠橫攔五指山水

使之屈曲而注於海採訪 下同

北拱山在城東八里二山聳起如拱北象為東路

平洋數十里之祖山

雪山在博茂都東湖潘天仙廟前其山土細如粉

皎如雪中有泉味甘美謂之清香泉

福婆社在振文都咸豐三年知縣李文烜禱雨有

應

麒麟山在縣南十五里邕陽圖天陰晴時夜間常有雙燭光燄騰空尋之終不得其所

土鼓阜在城東距石巖洞里許平地突起數阜阜上皆赤石人物蹈之輒應聲如鼓扣以小石噲
咄響亮如擊鐘鏞疑此地與石岩相通其中皆
一片空洞不然胡爲扣之而其聲淵淵然耶

龍纏崗在城南八十里博盛一都其形如龜上有
仙石棋枰旁有甘泉名浮廩井

上田墩在城東五十里儒林都大江中特標一柱
聳拔奇異古石嵯峨中有一洞可容數人四面

潮聲湧如旗鼓所產之魚多奇

丙子嶺在城東五十餘里蓮塘村東峯尖而聳上
多林木鳥獸常有雲烟變幻於其間

濛見嶺在城南百餘里開文聖鹿二圖間高十餘
丈四面白石累疊數十層其巔則產磁石

紅旗嶺在城南百餘里開文圖高四十餘丈其地
南界文西界定

瓊山嶺在城東二百里徐宅屯高約數十丈廣約
四五里其巔多產海螺

龜墩在城東八十里蘇尊一圖南岳院田中突起
一墩高三四尺周圍廣數十丈其形象龜故名

龜墩鄉人祈卜吉凶屢驗。

羊角嶺在屯昌市南平洋突起四圍周全無缺頂尖如羊角然年豐則有祥雲掛其角端土人以爲太平之瑞

龍盤崗在郡東二十里張吳都龍盤塘北與龍盧洞相距里許天晴明時陟其巔可望海北諸山元明間村民營葬其上得一石絕奇頭角與龍首酷肖棄之夜有靈光衆驚異爰鑿石室奉之每年五月二十日致祭至今不絕旱禱往往有應

烏嶺在慶善圖方伯張岳崧有詩載藝文

古所嶺在城東南百六十里坡口屯地高數十丈望海如在咫尺前後左右衆山旋繞如衆星之拱北嶺上有一大石鄉人所禱屢應

凌峯嶺在城東南百六十里徐家屯地海旁突起高數十丈其上多產異螺

孟季嶺在城東南百二十里三峯疊峙次第分明若孟季然多出磁石置羅經於其上盤針搖動不息

以上俱採訪

巖崗

仙人崗在縣南二里蒼屹山後崗口有石爐內有

石版題曰遠七里近七里不遠不近在七里嘉

靖間郡守張子宏偕貳守趙可旦遊覽改題其
崗曰紫霞建安仙亭青雲亭留題其間萬厯間
副總兵鄧鍾建羸惠菴買田供祀勒石題景豎
有碑記副使蔡夢說立流芳亭於左知府倪棟
立會心亭於右各有題咏舊志下同按崗口有仙蹤
二字郡丞宗公勒崗今已塞菴與亭亦並圯

蒼巡崗在符村西崗門寬五六尺斜入二十餘丈
內有二井鄉人砌石路汲水人汲其一牛飲其
一深處暗不能入

遞蓮崗在石山鋪西南一里入門行數十步委曲
相通大小五崗深遠有石磴如榻可容數十人

上有門見天日傍一黑崗無火不能入

龍廊崗在石巖都東南一里崗路崎嶇由西南入
深二十丈傍有小崗十二可容數百人鄉人曾
於此避難

鴉卜崗在雷虎嶺南周圍約里餘深數丈雖秋潦
彌月不滿中有石墩牛馬牧其內

龍盧崗在張吳都顏村側卽顏盧縣舊址副使黃
顯致仕造爲休養之所尙書王宏誨知府史朝
宜相訪有詩見藝文

鋪錦谷在縣南五十里疊村幽邃險絕元貞女蔡

九娘死節於此又名鋪錦巖

以上俱
舊志

石巖崗在城東六十里皇瀛村南地脈從高岡降
歧爲赤白二岸赤岸石壁峭立中開洞門寬厰
可容數十人洞裏深不可測有鄉民乘燭而進
但見四圍空洞歷數百步卽抽身出不敢深入

採訪

仙洞在城東百餘里聖鹿圖白石溪中有連珠石
一帶高十餘丈廣二十餘丈而空其中名曰仙
洞洞上溪水長流洞前水深無底昔有龍起於

此逢旱祈雨立應

全上

川類

附井泉

南渡大江卽一統志之黎母水而俗所云博冲溪

也其源出五指山歷臨澄定三縣地界沿流會合諸水至城南六十里曰白石河至城東南十里曰南渡大江由東而北五六里納學前水之支流爲博冲河口瓊郡柴米百貨多由此運又北十五里至新埠渡分爲二派一北流爲牛始港入海一西流而北爲海口港入海其江自博冲渡而下陷民田爲沙漠者南北七八里東南約三里居民苦之

採訪

舊志在縣南十里曰南渡大江又五里曰博冲河口又分一支流繞城東曰河口河考今水道博冲河口及河口河俱入大江而志云從大江

分出似誤

附馬房坡在縣南十六里博冲河西那邕頓林二

圖地英岳圖人亦來居頓林圖之南渡村俱因

牧牛無所三圖耆老議將此坡為三圖牧地其

所載苗米二石五斗撥入三圖通融輸納康熙

四十年條陳縣府道弁呈總督彭俱批准牌行

永不許後人借名開墾亦不許營馬同牧有碑

勒豎府署前

採訪

流水坡在縣東四里博冲河中自道光數年而

後水勢專注乎坡之東而坡之西成曠土焉同上

黎母水一統志云在城東三里

舊志

按此即南渡大江也以其源出自五指故有此
名一統志云在城東三里者蓋大江在縣南由
東而北其距城南十里距城東不過三里也

學前水在郡城南其源自西湖流經丁村橋歷洗

馬橋繞舊學前東至新橋南橋又東北至河口

村分爲二派一支西北流繞郡城東爲河口河

一支東南流入大江爲博冲河曰其流繞郡城

者至白沙海甸二村方匯大江以入海採訪

河口河在城東門外即學前水之支流也宋人濬

導流經攀丹村東南而北會大江以達於海明

宏治間知府張桓因里老唐正等建言買民田

改開河道引水直抵城濠以便運糧砌有石橋
亦名板橋歲久淤塞乾隆元年道憲潘公思渠
王公元樞相繼疏鑿繞東門經蘇泉書院由明
昌塔出海碑鐫潘公河三字乾隆十九年巡道
德明精於水利渡河東北下窰日建石閘以資
啟閉灌田益廣歲撥府地稅銀六兩爲閘夫工
食商民立碑閘旁名曰德公閘乾隆四十七年
前道詳撥萬州撥獲鉛斤變價銀五百兩生息
爲修河經費經督撫咨部奉准在案四十八年
價買樂會縣崇文鄉土名業墩崗錦舖等處田
地共四十二畝八分三厘三毫載糧銀一兩五

錢四分四厘九毫折制錢一千五百七十七文
每年批佃輸租錢三十一千文除完糧外實存
錢二十九千四百二十三文遞年租息由樂會
縣徵收解道庫存貯專為歲修潘公河之費舊志
增

博冲河口在縣東南五里頓林東昌二都界亦學
前水之支流也其水常流出大江遇淫雨漲溢
亦從大江逆入為郡治巽方之水傳有古識云
博冲河口塞五解狀元生萬歷甲寅尙書王宏
誨知府謝繼科通判潘大熙議塞以圖應識因
乙卯年兩學脫科水漲淹田鄉人共稱不便鳴

于署府事推官傅作霖委官開之旋塞旋開氣
運蓋猶有待焉舊志

第一水在縣西三里其水自山澗流出繞下田村
而八於海又西三里一澗謂之第二水亦流八

海舊志
下同

南澗溪在縣南十六里上那邕都水源二一自謝

潭一自陰潭合流東北十餘里八南渡大江水

清如澗土人呼水為南故名邕陽頓林等圖車

水灌田皆賴此溪其隄岸即濱壅圩也年年苦

築舊志

謝潭在縣南十五里下那邕都潭謝村山間泉湧

出瀦為潭深莫可測

廕潭在縣南二十里東潭都泉出山澗瀦為潭大

旱不涸

銅銚溪在縣東南八十里源出那社山中中有巨

石形如銅銚水注其中有聲如雷溢出文昌舖

前港

南湖在府城南溉田千餘頃

按水自西湖流出城南一帶皆曰南湖

小西湖在府城西

龍廟西湖在縣西十五里博崖都一名頓崖潭泉

自石巖流出極清昔人刻石為龍置穴中水從

龍口湧出又名為龍潭旱祈即雨建有龍廟其

水東流為學前水郡志無龍廟二字

東湖在縣東十五里博茂都舊有巨室居此忽陷為湖水色深黑元時天旱湖中一物直豎如柱高十餘丈須臾而仆聲撼動地不二日大雨官民因建廟於側每遇旱取水以禱輒應康熙四十一年立碑縣前免兩圖差役以為邇年修祭之需四十五年知縣王贊重建廟三間凡旱廟中有火光燦爛三五日即雨

西南湖在縣南五十里雷虎都乃虎村嶺溪流所潛而成者去湖四十步有仙井上有仙遊遺跡其流溢出灌田百餘頃出梁老橋通南渡江八

於海

安容湖在縣南八里豐好鄉

蓮塘在府治南產白蓮

五龍池在縣西十二里五原都泉清冽五派潏出

成池經濱涯轉南茂橋出海

峻靈潭東城外周圍二百丈蓋黎母水所匯也所

產魚味特美有峻靈神祠今廢

舊志增

雙塘在縣西四十里下石山都其塘一大一小一

清一濁淵深莫測旱祈即雨鄉人祀以為社又

海口亦有雙塘

舊志增以
上俱舊志

洗馬池在城南三里

阮通志

豐好水距城七里龍眼水九域志郡國志並在瓊

山界輿地紀勝

東山溪在城西南七十里經澄邁定安達南渡江

郡志

三十六曲水在縣南五十里麻長都盤紆數里勢

如蛟虬故又名蛟潭水出大溪達大海採訪下全

大響水在縣南五十五里蒼興都其聲如鼓下流

入三十六曲水

小響水與大響水相去一里其聲亦如擊鼓

道泮池在縣東南五十里萬都一圖舊有泰華廟

今為泮池社學以誨圖中子弟水前後環繞如

帶

望月湖在縣東南八十里中秋夜進士謝寶宿其地曰此湖圓淨如滿月可名望月因題一絕於壁曰瀲灩湖光上接天滿輪秋月鏡雙圓誰將掬水梯雲取爲憶周生與謫仙

蓮潭在邕陽圖潭有二其一在珠良村前其一在鳳咏村前每潭有蓮數萬柄花開時紅白相間香氣襲人

王家灘在郡東八十里調塘三圖灘頭村前有大江環繞江中起石狀如三舌鄉人祈禱輒應因建神祠於側

白水池在郡東八十里周圍二里許深不可測其中突起一墩林木青蔥與清流掩映進士謝賢嘗結廬於其上

龍潭巖在城東五十里大可三四尺泉噴出地高數寸流而不息開渠應田百餘頃相傳有龍曾出其中因以爲名

炳文池在城東五十餘里高崗聳拔中有一池魚味特美

月池在城東八十五里蘇尋二圖美帖村前形如滿月故名

日月塘在城東八十里蘇尋一圖羅莊嶺一在嶺

左一在嶺右四山環繞形勢頗奇

嘉湖塘在官隆三圖嘉湖村前平原中忽成一湖
周環二百餘丈左右皆奇石古樹每當春夏有
玉壺藏冰之氣歲貢張公廉曾建世德樓於其
中旁有仙巖曰授丹洞歲貢張震蕃暴病遇異
人授丹於此因而得活故名

沙港灘在城東南百餘里徐家屯多產奇鱗遍身
細毛俗名毛鱗其味極美每年七八月出

以上俱採

訪

海口港在郡北十里海口所北水自五嶺長江南
渡流來支分海口礮臺及鹽灶溝乾隆初年港

門淤淺據行商陳國安等呈明知縣楊宗秉將

東西礮臺支溝築隄堵塞改水往西由鹽灶轉

海口出海南北官渡由此其東北十里為牛始

港二十里為白沙港

舊志增

神應港在縣北十里舊名白津宋元帥王光祖曾

開未就淳祐戊申颺作自衝成港人以為神應

故名

舊志

小英港在城西北十里上五里為鹽灶港

舊志增

麻錫港在城東北四十里又十里為芒芎港

舊志

東營港在城東二十里右有博茂港芒芎港沙上

港至海口港左有新溪港達文昌舖前港

採訪

北洋港在縣東三十里興仁都港東立墩臺有兵

防守

舊志下同

新溪港在縣東五十里演順都與文昌交界明萬

曆閩地震沈陷數十村名爲新溪與舖前港相

通海船可以出入

白沙河在海口東三里乾隆六年監生陳國安生

員鍾世聖楊翔鳳呈請當道由白沙村尾疏通

海口內可容船

博茂港在縣東三十里又四十里爲北洋港

烈樓港在縣西四十里許自徐聞那黃渡開船小

午可至漢伏波將軍渡海之處有大石生海邊

上有三墩名曰烈樓嘴海南地接徐聞此最近

以上俱舊志

井泉

雙井即舊海南衛前井宋景宣三年鑿久湮其一

元皇慶元帥郝靠山復浚如舊官民咸取汲焉

今仍塞其一

舊志下同

府門井在府治西南即舊蓮塘井一統志云其泉

味甘冽環城人汲之

玉液井在縣內西隅管糧廳後明景泰五年知縣

陳用已開

西城大井在大西門內街北正統指揮邱勝李翊

開今西門人汲之

南城脚井指揮李泰開

觀風井在察院公署內左萬歷戊子巡按蔡夢說
開自記立碑今公署改爲總鎮府井仍存

北城井泉味清冽吳昇開指揮徐瑄修

瓊漿井在南郊舊縣學東洪武教諭趙謙浚深四
丈立二石柱駕轆轤以汲水題一柱云歲壬申
閏甲申鑿斯井泉汙汙德日積用日新養不窮
千萬年考古名告後人又立石碑刻瓊漿二字
今井基尙存

水關井在北城內泉味甘冽

武秀井在縣東街武秀坊前宏治指揮張翊開
多味井在縣南四十里梁老都泉出巖竅甘潔不

涸

南宮井在南橋外南宮殿廟後泉味甘冽大旱不

涸

琵琶井在南橋唐解元濂伯家居前有大枇杷樹

陰蔽于上故以此名泉味甘冽不竭亦名仙井

鄉人傳有金鯉遊現為出唐解元之應郡志作枇杷

沙井在城大南門外西南濠畔泉甘冽迴勝諸井

康熙乙酉生員陳今益砌以石欄有碑郡志作淨沙泉

六角井在南郊舊縣學東路畔石砌六角各有柱

今環南城外汲之

竹根井在城東一里侍郎唐胄鑿有銘

洗心泉在城北接龍橋下知府賈棠建橋始得此

泉清冽不竭環以石欄名曰洗心有記

彌陀井在城東一里番誕村彌陀菴前

雙眼井在縣南橋外舊山川壇北山下泉味甘冽

不下沙井

仙井在東潭都石巖中深一丈有平石左刻貞元

二年右刻熙寧甲寅數字

龍井在蒼驛都鄉人琢石爲龍置穴中水自龍口

湧出大旱不涸

田井在縣南四十里遵都巖泉湧濬周圍三十步
許冬溫夏冽昔人砌石爲闌旱則三五十里皆
汲之

羊拜井在宅念都朱時羣羊于此跪水氣騰上鄉
人鑿井得泉

天井卽圓井在邁都用漾村巖下深五丈其中可
容數人入至深處或聞杵臼聲

白玉井在海口紅坎坡西宏治陳英俊浚開土人呼
曰白土井深不滿尺汲者用瓢上之味甚甘冽
附郭各井以浮粟泉爲最海口各井以此爲最

舊志

增

吐華井在梁老都流入滴水橋清冽

玉龍泉縣西南十五里泉出石竇寒冽湧如飛珠
走玉大旱不竭郡中禱雨必到此請水名曰龍
泉鄭廷鵠有詩見藝文

惠通泉在縣東五十里符離三山菴下東坡所名
記曰禹貢濟水入于河溢爲滎河南曰滎陽河
北曰滎澤沱潛本梁州二水亦見于荊州水行
地中出沒數千里外雖河海不能絕也唐相李
文饒欲飲惠山泉置驛以取水有僧言長安吳
天觀井水與惠泉通雜以他水十餘缶試之僧
獨指其一曰此惠山泉也文饒爲罷水驛瓊山

之東五十里曰三山菴下有泉味類惠山東坡
居士過瓊菴僧惟德以水餉焉而求爲之名名
之曰惠通元符三年六月十七日記亦名東坡
井

東坡井在舊道治後東北隅東坡曾飲息于此故
名昔人立有石碑萬歷乙卯郡守謝繼科覆以
亭題聯于石柱近志卽以爲雙泉誤矣口按郡
志云宋時井在城外明初廣城遂圍入城內亭
名洞酌據碑爲萬歷庚辰郡守唐司封重建今
亭廢碑記尙存

雙泉據舊志在城外東北隅宋蘇軾所鑿兩泉相

去咫尺泉味異常宋陸郡守建洞酌亭于上及
李光謫瓊居雙井九年再移昌化有詩云曾是
雙泉舊主人之句元嘉泰二年萬郡守重修著
琬作記後久填廢卽文莊邱公亦有雙泉湮沒
不可見之歎但父老傳言一泉在坡翁時有雙
龍白如玉常出現又一泉金粟常浮與格古要
論遊龍浮粟之說相合則一泉在北街田塹邊
基石猶存一泉卽金粟泉無疑矣近志以城內
道後者爲雙泉蓋傳聞之誤也康熙丙戌郡守
賈棠于泉上勒石東坡雙泉之一上有臨清亭
濯纓亭八廢口按此泉在粟泉東野礪下相距

數百武其味更冽洞酌亭雖圯其基址並柱根石尙存但其上冢墓纍纍已不堪用

金粟井在城東北隅一名浮粟井卽東坡雙泉之一與右邊北隅泉相望而味更佳萬厯四十年郡守翁汝遇建粟泉亭未竟四十二年郡守謝繼科踵成之復建書院十餘間講堂一座適公卒于官轉爲遺愛祠四十五年副使戴燿增建二蘇祠康熙五年遊擊易知募建樓閣以祀準提別築二蘇祠于閣之左二十五年郡守佟湘年副使程憲總兵吳啟爵卽準提基址改建正祠以祀二蘇置左右兩廊以作僧舍移準提於

金粟菴乾隆十年郡守于需知縣楊宗秉仝捐

俸建蘇泉書院並建泉亭于院前井上地當風

雨各亭閣屢修屢廢至乾隆間學使翁方綱復

建亭於書院之前補題其額曰洞酌舊志纂

清惠泉在城外北五里亭海口往來申道萬厯戊

申年郡守倪棟所鑿建亭曰清惠故以此名泉

味甘冽行人憩息多飲之四畔種榕立石勒銘

今時呼為倪公井以上俱舊志

鍾公并在小西門內深三丈許周圍砌石旁有碑

鑄鍾公井三字郡志下全

馬皇廟并在小西門馬皇廟內鍾司徒鑿

晏清泉在小北門內晏公廟後味甘勝城內諸井

元時開石刻晏清泉三大字

毓秀井在城東北二十里潭龍嶺後其味清冽

鏡井在東山市西北半里許天生自然廣三四丈

深無底水清如鏡數千百尾魚出沒其中投以

食物有於物魚躍之趣井門通三十六曲溝溝

水濁井水清分流不混如河濟然井上有神母

祠相傳其魚爲神所畜大者二三尺在井中取

者烹之不熟出溝外則捕捉不忌

郡志增

噴珠井在文峯塔下深不滿三尺而泉甚寒冽三

伏天卽之殊堪破暑

北讓井在城南十八里上那邕圖其井天然生成

泉甘冽上有神蹟旱禱多應下流達涓溪灌田

甚廣以上俱郡志

丹井在縣西南五十里許美里村其泉常濟一方

旱則有歷長途而來汲者採訪下同

仙井在遵都疊里之南道光八年大旱馮姓浚故

井得此泉其味清甘數千家汲之不竭

甘泉井在東洋都員山環龍塘之尾味甘色清飽

飲不饜明倫書王宏誨有塘尾甘泉詩見藝文

育德井在縣南七十里上遊都儒林村泉味甘冽

和井在滿天橋之北水泉湧出大旱不涸其味最

甘

瀉躁井在縣西南三十里山谷中康熙年間掘逢
大旱三五十里皆汲之

博點井在縣西南四十五里鄭都泉僅深三尺其
味甘美大旱不涸

美秀井在縣西南亨裕都道聘村乾隆年間始開
其味甘冽

龍泉井在縣南三十里龍塘市嘉慶年間河岸高
礪下泉源湧出其井不鑿而自成澄清見底味
極甘冽鄉人周圍砌石以汲焉

玉洲泉在縣西北十餘里書場村東北高礪下水

清如鏡甘如醴澄澈透底遊魚可數嘗以秤稱
之其水較重于他水當盛暑至其地冷氣逼人
炎熨盡消飲之沁入心脾土人汲以煎茶造飯
經二三宿其味不變

噴玉泉在縣南五十里陶山市下泉從岩竅高處
噴出勢如垂虹以大桶承之須臾而滿水極清
冽不澁不泥

金盤井在縣東南五十里太乙村圓如盤深三四
尺其泉從石下湧出清甘重于他井久旱則數
十里皆汲之南邊有一坳極圓淨相去咫尺泉
源相通形如日月土人名爲日月泉

邁寶雙井在城西二十里施茶舖前明末大旱衆
皆遠路取水陳門媪擔兩小甕水歸至此有客
乘白馬乞水飲馬媪云無梓客指地之下級窪
凹處拔去其草而傾之媪如其言馬飲畢仍以
杓上其餘水分入兩甕兩甕皆盈媪異之因挖
其地不數尺得濫泉焉僉以仙靈爲媪所感立
廟祀之前人有記

温涼井在城西南五十里雷虎都儒成村前嘉慶
間鑿深二丈餘冬温夏冽泉味清甘一方共吸
之

三清井在南橋村南三清坡邊其味清甘亞于金

粟泉大旱不涸

永鏡井在城南六十里宅念都龍玩村前泉味清

甘大旱不涸

卓錫井在靈山市前道光丁未年郡守林鴻年禱

雨立應題曰澤被瓊南

永祿井在城西南三十餘里永都中園坊元末福

建古田陳金滿金盈隨其父覺寔瓊卜居于此

兄弟捐貲各挖一井金滿所挖者在道樂而此

井則爲金盈所開其泉尤旺井底有一石坑縱

橫數丈係天造地設歲旱附近數十村環繞汲

之

浮石井在城南二十里東潭圖博讓村前有方石四尺餘四面均平常浮水面石上篆跡模糊可辨者月中人三字

珠崖井在城南二十里東潭圖近撫訓村初建城隍廟舊址其水香甜飲之可辟瘴癘

潭謝博井在城南十五里泉從岩穴湧出其色甚清如變而渾則年將瘟疫屢驗

一品泉在郡東八十里調塘三圖竹園村有古石井僅深尺許底如磬石中間一畫旁有三孔泉從孔中湧出甘美異常遇大旱數百家汲之不竭其下流灌田數十畝土人觀其形肖品字因

名爲一品云

甘泉井在城東五十里儒林里龍宮地其水潮起則鹹汝至則甘井中常有氤氳氣

醴甘井在城東八十里蘇尋二圖美帖村東平原中深三尺許泉從石出涓涓不已其潔異常汲置踰年其味不變明御史馮禹卜居于此嘗而美之因取名焉

香泉井在城東九十里調塘二圖高科村其泉甘美味之如有香氣故名

老井在城東八十里蘇尋一圖羅梧村前泉湧不竭其味清甘林馮吳三姓同建

靈應泉一名水貫井在聖鹿圖東銀山下水從石竇湧出混混不絕相傳泉脈與海潛通里中祈雨迎龍取水輒應流經文昌縣猴橋礮匯西亭洋

八卦香泉井在屯昌市側泉水出石龍口吐清香甘冽益人心脾

惠仁泉在秀瓊圖安仁市東北半里明邱文莊嘗經此飲而甘之謂味同惠通泉因名惠仁土人亦名邱公井深不二尺而大旱不涸來汲者三十餘里

洋津井在縣西南三十餘里水自高山湧出四時

州元卷三
長流灌田數百頃

揚旭井在縣西南三十五里水泉甘冽長流不竭

以上俱
採訪

輿地志六 水利

度靈塘宋史河渠志開寶八年知瓊州李易上言
州南五里有度靈塘開修渠堰溉田二百餘頃
居民賴之今大來都響水橋上流有塘蓄水卽
其舊蹟下流至那梅都英吳橋則亂石甚多旣
不能瀦又不可洩春乾夏溢歲常不收尙當于
英吳橋置閘啟閉以備蓄洩

舊志
下同

義豐隄閘元王儕翁水利碑畧云其間義豐遵化
豐好等處民田往因洪水衝決陵谷變遷難于
稼穡後至元丁丑春諸田老以實聞于郡郡檄
委前雷庠學正張宜舉董其役有田之民不期

而至隄橋車開修制有方七年始效獲水利者

一十八處成熟田者有十萬餘頃

郡志作千有餘頃

南橋水道在縣城南外源自西湖龍井合流至南

橋宋人浚河自蕃誕達大江正統間蕃誕人於

兩岸築柵置車引水溉高田成化八年副使涂

棐以南橋周相等訟橋內低田爲塞車壅水所

傷遂除柵廢車自是蕃誕苦無灌溉爭訟不已

正德六年郡守王子成乃召二處民謝傑陳堯

明等議兩便車田每年自十一月二十日開通

水道待南橋低田禾苗發長至次年二月初一

日方許塞車其低田每要依期爲種或雨水泛

溢則田車仍要開通永爲定規

林村閘堤在縣東南五里頓林都鄉人以石閘堤

開渠引水灌田二十餘頃

堤音具正字通云謠字按隄塘無堤名今

郡志改爲壩

博冲車堤在縣東南頓林都源自西湖流經響水

橋英吳橋至北麻村會南渡江前人作堤轉車

升水溉田

濱壅圩岸在縣東南十八里自上那邕都達於頓

林都元至正間郡以民苦水患委前雷庠學正

張宜舉董築明洪武末郡復聞于朝委知縣陳

永彰修之進士符銘作記成化間圩岸漸圯監

生符蘭復上陳副使涂棐委大使宋紀重修自
用卽至邁元約有五里高二丈濶倍之宏治乙
卯太守張桓委舉人梁繼策復修親臨環視高
濶視昔加倍乾隆十一年知縣楊宗秉據吳承
機等呈圩岸被人破壞隨經勸捐錢拾緡修復
諭架造水車不許橫截河流併不得擁水畜魚
使下流淹浸以致爭訟凡修築上流出水壁下
流出人工例得免其雜役然乾隆以前所患者
不過一岸及嘉慶年間又崩加一岸道光年間
又再崩加一岸其中衝陷田園宅舍不計其數
今三岸年年修築視昔爲尤弊嘉慶元年春有

土人掘去第三岸崩濶十丈深三尺合衆鳴官
署知縣張需勘驗自捐錢一百千文命工買料
運土補築旬日告成上下數千餘畝之民咸沾

其惠

舊志增

塘心陂在縣東南十里顏村鄉人顏仲陽築長六
尺濶一丈壅水灌田十餘頃

博厯圩岸在縣東南二十五里涵塘都築一百餘
丈開渠引水灌田

潭羅陂在大小英都源自抱皇山坡下湧出鄉人
于上流築陂塘灌田十頃

東岸隄在下東岸都成化間知縣梁旰築

州元卷三
潭溪陂在縣東三十里小林都源自那庭田澗流
出鄉人用石堵塞引以灌田

巖塘陂在縣東南四十五里卽博點塘山巖間水
湧出匯而爲塘宋端平間鄉人于塘門共築石
高一丈六尺濶三丈八尺駕橋砌陂爲堤延袤
二百餘丈流分二派南派灌溉鄭暫遵麻等都
田北派灌溉酒塘抱蘭大小等都田共數百餘
頃其陂隸官職掌各都立陂甲三十二名以供
其役以陂長一名督之任水性分流不得擅利

塞洄

綠松陂在縣東三十里小林都源自靈山舊澗流

出鄉人築土陂引水灌田

亭塘在巖塘右二里許韋執誼十世孫奉訓大夫
韋敬匡始開其後裔庠生韋孝韋傑韋弟繼築
成之成化間知縣梁昕復因其後人韋文貴修
補高二丈五尺長百餘丈引水灌田雍正乙卯
韋廷獻重修伊捐砌橋旁石路

舊志增

博浪圩岸在縣東四十里演順都自博浪溪起二
百餘丈宣德間主簿熊誌鄉人王賢嗣等建議
修築後圯成化間知縣梁昕仍命得利之家增
修今漸崩圯

五丈塘開在縣西五原都源自洋浚南延流至五

原橋下合流鄉人每里築一陂名曰塘閘澇則
開晴則閉引水灌田

大潭陂在興政鄉陂開九閘隨旱澇開閉灌田七
十餘頃

橋冲陂在烈樓都陂開七閘灌田六十頃

那洋陂在烈樓都源自南巖湧出成溪鄉人築陂
灌田五十頃

南賴陂在縣西南七十里邁別都水源自石山流
出鄉人築堤引水以灌田

梁陳陂在梁陳都元時遭水決洪武中知縣陳永
章修築復圯正統間知縣朱憲以石砌築高七

尺長百餘步水源不竭民享其利

東屯塘在蒼原都鄉人築岸灌田八十餘頃

圓山塘在圓山村前澗湧成塘縈迴如帶水多綠

色雜植荷花魚鰕甚盛鄉人築堤灌田數十頃

今名環龍塘舊志增

潭宅塘自雷虎都入塘作堤灌田一百餘頃

南天塘在梁老郁源自雷虎雲裔山流入鄉人置

水車灌田一十餘頃

潭鄧塘在西潭都洪武間鄉人爲閘閘水變陸成

田有數十頃舊志按黃氏通志載縣有水二曰陂

亭南橋圩岸三曰濱壅博歷博虎陂十曰塘心

潭羅東岸潭溪嚴塘綠松大潭橋冲南賴梁陳塘五日東屯圓山潭宅南天潭鄧共灌田一千

八百餘頃郡志

邁容車具在縣東南八十里蘇尊都自邁容起至戴塞十里許引溪作水軍灌田千餘頃

東溪圩岸在水一東營港知府唐可封築圩防

海盜

長牽圩岸 後樂圩岸二岸在豐華都萬厝乙巳

地震田陷崇正間御史李元衡募民于河口稍

隘處運土堆石築起兩岸高四丈長二十餘丈

濶二丈捍海為田百餘頃勒碑于岸

蒼茂圩岸在縣東南八里頓林其發源自永都漑
田八十餘頃嘉靖年屢修屢壞萬厯乙未知縣
吳宗禎捐修丁酉副使胡桂芳知府李多見同
知經仁本買石修築乙巳地震副使蔡夢說知
府倪棟復修康熙五十一年雷瓊道申大成知
府林文英知縣王贊築滾壩啟三門架橋于上
水大從壩洩去小則蓄以漑田稱兩利焉五圖
士民賴之有碑記以上俱舊志

官隆圖田溝距城六十里青草村明海瑞開水自
樂萬至鷄頭等處逸邈十餘里灌田甚廣舉人

王承烈有記

郡志

那夾塘在城西北四十五里烈樓都水自山澗湧

出成塘灌溉瓊登二邑田數百頃上全

懸泉在城東南五十里近陶公山泉從山中湧出

味甚甘灌田數十里上全

水頭泉在水頭地四時常流聲如擊鼓久旱不枯

涸灌田數上全

龍塘橋水在縣南二十里酒塘都其地田俱高亢

中有小溝自橋而達大川洪武初鄉人王佑王

球等築隄設水車十輛溉田數百頃附近都圖

咸沽其新碑勒橋邊本舊志

博洋橋水在縣西四十五里源自山麓石澗出溉

田數十頃

志

塘柳塘在縣南七十里許東洋二都鄉人置車灌

田數百頃水利甚溥

採訪下全

塘襟塘在縣南七十里梁陳二都水自滴天塘流

出梁老溪春夏間月塘梁沙各村塞車使水上

壅塘中漲溢灌田數百頃

北堡堤在縣東南五十里萬都一圖北堡橋下自

橋築堤壅水繞北壘坡達邁官井約百餘丈開

渠引水灌雙熟田數十頃單熟田數百頃

南朝閘在縣東南五十里萬都二圖康熙年間博

洽村吳杜二姓呈請縣主給示建從南朝橋上

用板閘水穿岸開溝灌村前後田百餘頃

曲水車渠在縣南五十里麻長都坡崙村前潦則引上流之水而趨別壑旱則激大江之水以歸蛟潭田多賴之

道路溪在城東十里興義都水從北冲河通海其田多潮患上人歷年築堰置車灌田旁有壇爐旱禱多應

雅黃塘在城南八十里許鄉人取水灌田十餘頃青草溝在城東南官隆一圖青草村前明嘉靖二十四年御史海忠介公到其地同鄉人王績鑿之廣一弓長十餘里灌田二百餘石有淤存縣

隱門岸在縣東八十里調塘二圖朝坡村北乾隆
初陸廷表全衆修築嘉慶間陸文宏陸昌明全
衆增補高一丈廣二丈長百餘丈外障海潮內
壅淡水有案存縣今漸圯

坡條岸在城東八十里調塘二圖燦梅村北明萬
歷間地陷鹹潮泛濫田稻被傷連鄉全築以障
之國初圯乾隆十八年鄉人復請縣示鳩功
修築廣三丈高一丈餘長八百餘丈可障田千
餘畝咸豐四五年間鮑耀齊集衆重修岸外有
臨那水坡五里存三處海水護岸立禁不許損
傷并有船三隻車三輛永供岸役長免稅課有

案
縣

十二白泉在聖鹿圖東銀山下有巨石方廣丈餘
中有十二孔形如白泉從竅中湧出大旱不涸
漑田數百畝流經文昌縣猴橋溪匯西亭洋

赤土岸在城東七十里調塘一圖紫泥村東高乙
丈餘廣三丈餘長一百餘丈岸旁餘地俱種海
水圍護乾隆三十年奉道憲王御縣主陳勘驗
存案有碑監生黃必超仝衆築仝

羅墩岸在郡東七十里調塘二圖乾隆十二年陳
奇戒倡捐補築咸豐五年重修大二丈高一丈
長百餘丈外障潮水內壅淡水灌田千餘頃有

海水護岸

邊壁岸在郡東七十里調塘二圖嘉慶二年李學
斐倡捐補築咸豐五年生員李承露集眾重修
大三丈高之餘長百餘丈外障潮水內壅淡水
灌田數百頃岸外并有海水護岸立禁不許爲
人所損

墨澁泉在郡東南百一十里聖鹿都泉自四圍湧
出匯爲溝久旱不涸溉田數里

下水陂在城東南聖鹿都鄉人共築灌田百餘畝
沿流而下爲馬橋橋有陂壅水灌田亦數十
頃

地屢被風賊所侵屯人難以

隆正十八年歲貢林桂華仝眾招文邑

榘例貢林運鈺捐貲築塍禦之其塍廣三

丈六十餘里共費錢九百四十千文每年三

八兩月任鈺樵採嶼中之木以供火爨有碑

后山池塍在城東五十里豐華圖濱海圍田數十

頃厚山村王學書合眾是以上俱採訪